



Na osnovu člana 24. stav (3) Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06 i 4/12) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj 13/19), a na zahtjev Federalne uprave za geodetske i imovinsko-pravne poslove, Agencija za državnu službu Federacije Bosne i Hercegovine, objavljuje:

JAVNI KONKURS

za popunu radnog mjesta državnog službenika u Federalnoj upravi za geodetske i imovinsko-pravne poslove

Radno mjesto:

-Stručni savjetnik za geoinformatiku

– 1 (jedan) izvršilac

Opis poslova: Vršiti pripremu zakonskih i podzakonskih akata iz nadležnosti Sektora; priprema analize, izvještaje, stručne upute, mišljenja i objašnjenja propisa iz nadležnosti Sektora; priprema prijedloge za preduzimanje odgovarajućih mjera i priprema informacije za Vladu FBiH iz oblasti za koje je Sektor nadležan; radi na osiguravanju geoinformacione podrške razvoju, povezivanju, funkcionisanju i unapređenju kartografskih, geodetskih, katastarskih, GNSS i drugih geoinformacionih sistema u Federalnoj upravi, kao i svim kantonalnim i općinskim službama nadležnim za geodetske poslove i katastar nekretnina; osigurava geoinformacionu podršku u osnovnim aktivnostima drugih sektora Uprave; prati i proučava razvoj geodetske osnove u oblasti geoinformacionih sistema, u cilju uvođenja savremenih metoda rada, kao i davanje prijedloga za preduzimanje odgovarajućih mjera; izrađuje projekte geoinformacionih sistema i automatske obrade podataka, kao i unapređenje postojećih geoinformacionih sistema; koordinira održavanje, nesmetano funkcionisanje i unapređenje mreže permanentnih stanica Federacije BiH - FBiHPOS; koordinira održavanje i unapređenje funkcionisanja katastar.ba softvera za održavanje katastarskih podataka Federacije BiH; učestvuje u implementaciji lokalnih, regionalnih i međunarodnih projekata koje implementira ili u čijoj implementaciji učestvuje Federalna uprava; vrši i druge poslove koje mu odredi neposredni rukovodilac.

Pripadajuća osnovna neto plaća: 1.353,00 KM

Kandidati moraju ispunjavati opće uvjete iz člana 25. Zakona o državnoj službi u Federaciji Bosne i Hercegovine:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji Bosne i Hercegovine;
4. da je zdravstveno sposobno za vršenje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta lice nije

otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;

6. da nije obuhvaćeno odredbom člana IX.1. Ustava Bosne i Hercegovine.

Pored općih uvjeta navedenih u javnom konkursu kandidati moraju ispunjavati i sljedeće posebne uvjete:

- VSS - VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, geodetski fakultet,
- tri godine radnog staža,
- položen stručni ispit radnika koji rade na poslovima iz geodetskih djelatnosti u skladu sa Pravilnikom o načinu i programu polaganja stručnog ispita radnika koji rade na poslovima iz geodetskih djelatnosti („Službene novine Federacije BiH“ broj 13/02 i 55/17) - (obavezno upisati naziv, broj, datum i izdavaoca uvjerenja o položenom ispitu u dijelu prijavnog obrazca Agencije “Posebni ispiti traženi javnim konkursom”),
- poznavanje rada na računaru.

Prijavljivanje-potrebni dokumenti:

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije: www.adsfbih.gov.ba).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme u skladu sa uslovima iz konkursa (original ili ovjerene kopije) na propisanom Obrascu uvjerenja (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije: www.adsfbih.gov.ba).

Nisu izuzeti od polaganja ispita općeg znanja, kandidati koji imaju rješenja nadležnih organa drugih upravnih nivoa vlasti u Bosni i Hercegovini o oslobađanju od polaganja stručnog upravnog ispita.

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, www.adsfbih.gov.ba. Imena kandidata se ne objavljuju. Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavjestiti o vremenu i načinu dostavljanja dokaza o ispunjavanju uvjeta javnog konkursa. Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave, u “Službenim novinama Federacije BiH” neovisno od toga kada su dokazi zatraženi ili dostavljeni. Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH
Odjeljenja Agencije za Kanton Sarajevo i Bosansko-podrinjski Kanton Goražde
71000 Sarajevo, ul. Kulovića br. 7
sa naznakom:**

**“Javni konkurs za popunu radnog mjesta državnog službenika u Federalnoj upravi za
geodetske i imovinsko-pravne poslove sa pozivom na broj: 10-30-8- 608/20”**

DIREKTOR

Refik Begić, magistar uprave